Mahere Aromatawai - 2017

Te Reo Rangatira: Te tātari i te ahunga o te reo (91804)

Taunakitanga

Paetae	Kaiaka	Kairangi	
Te tātari i te ahunga o te reo	He kaiaka te tātari i te ahunga o te reo	He kairangi te tātari i te ahunga o te reo	
 Ka tātari i ngā hanga o te reo e panoni ana. Ka tātari i ngā rerenga kētanga me ngā ritenga o ngā reo e rua. Ka matapae i te ahunga atu o te reo i ēnei rā. 	 Ka āta tātari, ka āta māhitihiti i ngā rerenga kētanga me ngā ritenga o ngā reo e rua. Ka mārohirohi i ngā take o aua rerenga kētanga. Ka matapae i te ahunga atu o te reo i ēnei rā me ngā take e rerekē ai. 	 Ka whakapakepake te mārohirohi i ngā take o aua rerenga kētanga. Ka whakapakepake te matapae i te ahunga atu o te reo i ēnei rā me ngā take e rerekē ai. 	
Hei tauira taunaki noa: I te tuhinga tuatahi nō te tau 1899 i kite i ngā tūmanako o te pūmau ki te kotahitanga i waenganui i ngā kura rongonui e rua me te mea anō he wehewehe i ngā mahi a ngā tungāne o Te Aute ki ngā tuāhine o Hukarere. Mā te aha anō pea i tērā, engari e kore aku whanaunga tata e tohutohu pērātia i ēnei rā. Āe rā, he mana tō te wahine, he mana anō tō te tāne, engari mā te mahitahi e whai hua ai te kura, te whānau, te marae, te hapū, aha atu.	Hei tauira taunaki noa: Ko tētahi tino kitenga i ēnei tuhinga e rua ki ngā nūpepa Māori o mua, he tikanga kē e pā ana ki te pāpori me te ahurea o ngā tāne me ngā wāhine, he tūāhua tohutohu hoki e whai pānga ana ki ngā tāne, ngā wāhine, ngā mātua me ā rātou tamariki hoki. Tērā pea, e tika ana ērā tohutohu mō te iwi whānui o ērā wā, engari e kore rawa e kitea i ēnei wā nā te kaha mōhio o ngāi tāua te Māori ki ngā mōtika o te tangata, ki ngā whawhai hoki mō te mana motuhake o te tangata, kaumātua mai, tānei mai, wāhine mai, tamariki mai anō hoki.	Hei tauira taunaki noa: Tuatahi mai, ko taku kite i te whakamahi o ngā tohutō i ngā tuhinga o te tau 1899 me te korenga o ngā tohutō i te tuhinga o te tau 1953. Nā te aha i pērā ai? Nō te tūnga mai o te Taura Whiri i te tau 1987 kē, kātahi ka huri te ao Māori ki aua tohutō rā hei āwhina i te whakahua tika o te kupu Māori me ōna māramatanga. Kātahi ka kite, ei, nā ngā ētita o He Pitopito Kōrero i te tau 2006 i whakapaipai ake. Koirā tētahi tino panonitanga o te reo tuhituhi o mua, ki te reo tuhituhi o nāianei.	

Whakawākanga

KIW 1	KIW 2	Paetae 3	Paetae 4	Kaiaka 5	Kaiaka 6	Kairangi 7	Kairangi 8
Kāore e hāngai ana te tuhinga ki te kaupapa. Kāore e puta te mātau ki te puna reo o tēnei taumata.	Iti rawa te tātari, te matapae hoki.	Ka tātari i ngā hanga o te reo e panoni ana. Ka tātari i ngā rerenga kētanga me ngā ritenga o ngā reo e rua. Ka matapae i te ahunga atu o te reo i ēnei rā.	Ka āta tātari i ngā hanga o te reo e panoni ana. Ka āta tātari i ngā rerenga kētanga me ngā ritenga o ngā reo e rua. Ka āta matapae i te ahunga atu o te reo i ēnei rā.	Ka āta tātari, ka āta māhitihiti i ngā rerenga kētanga me ngā ritenga o ngā reo e rua. Ka mārohirohi i ngā take o aua rerenga kētanga. Ka matapae i te ahunga atu o te reo i ēnei rā me ngā take e rerekē ai.	Ka whānui te tātari me te māhitihiti i ngā rerenga kētanga me ngā ritenga o ngā reo e rua. Ka whānui te mārohirohi i ngā take o aua rerenga kētanga. Ka whānui te matapae i te ahunga atu o te reo i ēnei rā me ngā take e rerekē ai.	Ka whakapakepak e te mārohirohi i ngā take o aua rerenga kētanga. Ka whakapakepake te matapae i te ahunga atu o te reo i ēnei rā me ngā take e rerekē ai.	Ka hōhonu, ka whānui te whakapakepak e me te mārohirohi i ngā take o aua rerenga kētanga. Ka hōhonu, ka whānui te whakapakepake me te matapae i te ahunga atu o te reo i ēnei rā me ngā take e rerekē ai.

KIW 0 = Kāore noa iho he aha.

Whakataunga

Kāore i Whiwhi	Paetae	Kaiaka	Kairangi	
0 – 2	3 – 4	5 – 6	7 – 8	